

SCRIPT OF MORNING GOJRI NEWS BULLETIN 20FEB 2025

1015HRS

مارنگ گوجری نیوز بولیٹن 20 فروری 2025

یوہ آکاشوانی جموں ہے عبدالرحمان تیں خبر سُنو۔

CM TOURISM

وزیر اعلیٰ عمر عبداللہ نے کل لوکاں نانہہ کہیو جے وے جموں کشمیر غو دورو کریں اس گل ور زور دیتا واں جموں کشمیر غو دورو کریں اس گل ور زور دیتا واں کہ جموں کشمیر ہی ایک واسطے گُج نہ گُج رکھے تے یوہ سال پھر واسطے سیاحت غی خاطر موزوں مقام ہے اُنہاں نے ان گلاں گو اظہار یشو بھومی نویں دلی مانہہ جنوبی ایشیا سفری و سیاحتی تبادلہ یعنی ستے غی افتتاحی تقریب سنگ خطاب کرتا واں کہی-وزیر اعلیٰ جہیڑہ اس تقریب غا مہمان خصوصی تھا نے کہیو جے چاہے تم زیارت یا مزہبی سیاحت غا خواہاں ویں شادی یا منگنی واسطے بہترین مقام تلاش کر رہیا ویں با بس کسے خوبسورت مقام ور بیٹھ غے کتاب پڑھنو چاہتا ویں جموں کشمیر تھارو واسطے سب گُج فراہم کرے اُنہاں نے فارسی غا مشہور شاعر امیر خسرو غا ایک مشہور شعر غو حوالو دتو جس مانہہ کہیو گی وے اگر زمین ور کدے جنت ہے تے ات ہے یوہ شعر اُنہاں نے جموں کشمیر غا حسن غی تعریف مانہہ پیش کیو عمر عبداللہ ہوراں نے کشمیر غا ماضی نانہہ ایک پسندیدہ تفریحی تے فلم بندی غا مقام غے طور ور بیان کرتا واں کہی جے بھارت مانہہ کوئی فلم مکمل نہیں سمجھی جاتی جد تک اس مانہہ مہارہ سریاں غا کھتاں یا برف سنگ ٹہکی پہاڑیاں غو کوئی منظر شامل نہ وے تے کوئی وی چھٹی مکمل طور چھٹی نہیں سمجھی جاتی جد تک وہ جموں کشمیر مانہہ نہ گزاری جے۔

COSA JK SITUATION

فوج گا سربراہ جنرل اوپندر دیویدی نے کہیو ہے جے سال ۲۰۲۱ تیں بھارت کنٹرول لائنیں ور پاکستان غے سنگ اپنی پالسی مانہہ یزادہ سخت اور پُر اعتماد ہو گیو ہے تے اگر پاکستان اشتعال انگیزی کرے تاں بھارت فوری جواب دین واسطے تیار ہے ایک خبر رساں ایجنسی سنگ بات چیت کرتا واں فوجی سربراہ نے کہیو جے ۲۰۲۱ مانہہ جموں کشمیر مانہہ دفعہ ۷۳ غی منسوخی تیں بعد دہشت گرداں غی تعداد تے دہشت گردی مانہہ مقامی افراد غی پرتھی مانہہ نمایاں کمی آئی ہے تے ہون لوکاں نانہہ اپنی شناخت غا حوالہ سنگ کوئی الجھن نہیں ہے فوجی عملہ غا سربراہ نے دفعہ ۷۳ غی منسوخی تیں پہلاں جموں کشمیر غا لوکاں نانہہ درپیش شناختی مسئلہ غی مثال دتی تے کہیو جے اس معاملہ غا حل سنگ زمینی سطح ور دہشت گرداں غا امعاون کارکناں غو مسلو وی حل کرن مانہہ مدد ملی ہے اُنہاں نے مزید کہیو جے حفاظتی دستاں غی سانجھی کوششاں نے کشمیری عوام غی مدد کی ہے۔ تے دہشت گردی تیں بدل غے سیاحت غا عنوان نانہہ نتیجتاً کامیابی ملی ہے۔

JK QUARANTINE

جموں کشمیر مانہہ وے آخری ۳۱ افراد جنہاں نانہہ راجوری غا گورنمنٹ میڈیکل کالج مانہہ قرنطینہ واسطے ایک تنہائی آلا مرکز مانہہ رکھیا گیا تھا کل اپنا کھراں نانہہ واپس لوٹ گیا واضع رہ جے اُنہاں ننانہہ راجوری ضلع غا کوٹرنکا سب ڈویژن غا بڈھال گراں مانہہ ۷۱ پُر اسرار اموات غے باعث قرنطینہ مانہہ رکھیو گیو تھو-ان ۳۱ افراد غی واپسی غے سنگ ہی

راجوری قبضہ غا ترے بکھ بکھ علیحدگی مرکز ان مانہ رکھیا گیا سارہ ۳ سو ۵۹ افراد پچھلہ گج ہفتاں مانہ اپنا کھراں نانہ واپس پیچ دتا گیا جہیزہ کہ ترے ہفتاں تیں زیادہ عرصہ قرنطینہ مانہ گزار چکا تھا حالانکہ اموات غی اصل وجہ اجوں تک نامعلوم ہے لیکن حکام نے ایک خصوصی تہقیقاتی ٹیم تشکیل دتی ہے ملک غا ممتاز طبی اداراں غا ماہرینانہ وی شامل کرلیو گیو ہے شبو طاہر کیو جارہیو ہے جے کھانا غا فراہمی نظام مانہ کسے نیرو ٹاکسن یعنی اعصابی زہر غی موجودگی ان اموات غی بنیادی وجہ ہوسکے۔

DELHI CM

نویں دلی غا تاریخی رام لیلا میدان مانہ محترمہ ریکھا گپتا اج سدلی غی ۹ویں وزیر اعلیٰ غا طور حلف چاویں گی۔ انہاں نے لفٹینٹ گورنر ونے کمار سکسینہ سنگ راج نواس مانہ ملاقات کرغے نویں حکومت بنان غو دعوو پیش کیو ہے انہاں نے کل شام نانہ دلی مانہ بی جے پی قانون ساز پارٹی غی میٹنگ مانہ ان گا وزیر اعلیٰ غا طور اعلان تیں بعد یوہ دعوو پیش کیو ہے لفٹینٹ گورنر دوپہر ۲۱ بجے غے ۵۳ منٹ ور محترمہ ریکھا گپتا نانہ وزارت تے رازداری غو ضلف دواویں گا وزیر اعظم نریندر مودی وزیر داخلہ امت شاہ تے وزیر دفاع راجناتھ سنگھ اس تقریب مانہ حلف برداری مانہ شرکت کریں غا تقریباً ۰۲ ریاستاں غا وزرا اعلیٰ تے نائب وزرا اعلیٰ نانہ تقریب حلف برداری مانہ مدعو کیو گیو ہے۔

IMD WEATHER

بھارتیہ محکمہ موسمیات یعنی آئی ایم ڈی نے پیش گوئی کی ہے جے اگلا ۸۴ گھنٹاں غے دوران مغربی ہمالیائی خطہ مانہ کدے ہلکی تے کدے زیادہ بارش و برف باری وے گی۔ جدکہ شمال مغربی بھارت غا میدانی علاقاں مانہ اگلہ ۸۴ گھنٹاں غے دوران کدے کدے بارش ہو سکے محکمہ موسمیات غو کہنو ہے جے اج جموں کشمیر لداخ گلگت پلٹستان مظفر آباد تے ہماچل پردیش مانہ ہلکی تیں درمیانہ درجہ غی بارش و برف باری غے سنگ گرج چمک غا امکابات ہیں اسے طرح ۱۲ تیں ۳۲ فروری غے دوران وی ہلکی بارش تے برف باری متوقع ہے محکمہ موسمیات نے کہیو ہے جے ایک مغربی ہوائی دباؤ جموں تے اس غا آس پاس غا علاقاں مانہ نچلی سطح غا گردشی دباؤ غی شکل مانہ موجود ہے۔

BETI BACHAO

بھارتی فوج جموں کشمیر مانہ بیٹی بچاؤ بیٹی پڑھاؤ مہم نانہ فروغ دیتی رہی ہے اس سلسلہ مانہ آگاہی پروگرام منعقد کیا جارہا ہیں ایک تقریر میڈل سکول دارا ہری بدھا ضلع پونچھ مانہ منعقد ہوئی جس مانہ لڑکیاں غی تعلیم تے ان غا حقوق ور زور دتو گیو اس سیشن مانہ لڑکیاں نانہ باختیار بنان تے ان غی سماج مانہ اہمیت تے ملک غی نمایاں خواتیناں غی حوصلہ افزائی کہانیاں سانجہ کیں گئی نال ہی خواتیناں واسطے سرکاری سکیمیں غا بارہا مانہ وی معلومات فراہم کی گئی۔

ICC

آئی سی سی کرکٹ چیمپینز ٹرافی غا ۹ واں شمارا مانہ بھارتی ٹیم کپتان روہت شرما غی قیادت مانہ اج دوپہر دبئی بین العوامی سٹیڈیم مانہ بنگلہدیش غے خلاف اپنو پہلو میچ کھیڈیں غا مقابلہ غو آغاز ڈھائی بجے بھاتی وقت غے مطابق وے غو اس تیں پہلاں چیمپینز ٹرافی غو آغاز شاندار انداز مانہ ہوو گزشتہ رات

نیوزیلینڈ نے گراچی مانہ پاکستان نانہ ۰۶ دوڑ تیں شکست دتی۔

ROAD SAFETY

بھارتی فوج نے گورنمنٹ ہائی سکول گرسئی پٹی مانہ سڑک حفاظتی آگاہی پروگرام غو انعقاد کیو تانجے طلبای نانہ سڑک ور محفوظ رہن تے زمہ دارانہ رویہ غی اہمیت تیں آگاہ کیو جاسکے۔ راشٹریہ رائیفل بٹالین غی ٹیم نے پیدل چلن آلاں سائیکل سوار تے گڈی چلان آلاں واسطے ٹریفک قوانین غی پابندی ور زور دتوبٹالین غو مقصد نوجوانان مانہ سڑک حفاظتی اقدامات غا بارا مانہ آگاہ کرنو تھو تانجے سڑک حادثاں نانہ کم کیو جاسکے۔
